

Selskapsavtale for Øygarden brann og redning IKS



Fjell kommune



Sund kommune



Øygarden kommune

Innhald

KAPITTEL 1. ALMINNELEGE REGLAR.....	3
§ 1 Firma.....	3
§ 2 Eigarkommunar	3
§ 3 Rettsleg status	3

24.10.2017

§ 4 Hovudkontor.....	3
§ 5 Føremål og ansvarsområde	3
KAPITTEL 2. EIGARANSVAR.....	4
§ 6 Eigardel og ansvar.....	4
§ 7 Innskotsplikt	4
§ 8 Avvik frå vedteken branndokumentasjon	4
§ 9 Eigarskap og drift av brannstasjonane	4
§ 10 Kjøp av tenester frå eigarkommunar	4
KAPITTEL 3. ORGANISASJON	5
§ 11 Representantskap.....	5
§ 12 Brannstyre	5
§ 13 Tingingsutval.....	5
§ 14 Tilsetjingsutval.....	5
KAPITTEL 4. REPRESENTANTSKAPET.....	6
§ 15 Representantskapet sine møter	6
§ 16 Representantskapet sin mynde og oppgåver	6
KAPITTEL 5. STYRET	7
§ 17 Styret sine møter	7
§ 18 Styret sin mynde.....	7
KAPITTEL 6. DAGLEG LEIING OG REPRESENTASJON	8
§ 19 Brann - og redningssjef.....	8
§ 20 Selskapet sin representasjon.....	8
KAPITTEL 7. ØKONOMIFORVALTNING 9	
§ 21 Årsbudsjett	9
§ 22 Økonomiplan	9
§ 23 Over/underskot i rekneskapen.....	9
§ 24 Fond.....	9
§ 25 Låneopptak	9
§ 26 Rekneskap og revisjon	9
KAPITTEL 8. UTTREDEN, OPPLØYSING MM.	10
§ 27 Uttreden og utelukking.....	10
§ 28 Oppløysing og avvikling	10
§ 29 Utviding	10
KAPITTEL 9. TVISTAR.....	10
§ 30 Tvist	10
KAPITTEL 10. ØVRIGE REGLAR.....	11

24.10.2017

§ 31 Inhabilitet	11
§ 32 Arbeidsgjevarorganisasjon	11
§ 33 Endring av selskapsavtalen	11
§ 34 Tilhøvet til lov om interkommunale selskapet	11
§ 35 Meiroffentligheit og openheit	11
§ 36 Vedtak og ikrafttreden	11

KAPITTEL 1. ALMINNELEGE REGLAR

§ 1 Firma

Selskapet sitt namn er Øygarden brann og redning IKS, forkorta til ØBR i dette dokumentet. Jf. Lov av 21. juni 1985 nr. 79 om einerett til firma og andre forretningskjenneteikn (fimaloven).

§ 2 Eigarkommunar

Eigarkommunane er Fjell, Sund og Øygarden kommunar i Hordaland fylke.

§ 3 Rettsleg status

ØBR er eit eige rettssubjekt.

§ 4 Hovudkontor

ØBR har hovudkontor i Fjell kommune.

§ 5 Føremål og ansvarsområde

ØBR sitt primære føremål er å ta i vare eigarane sine behov, plikter og oppgåver slik dei er nedfelt i eigarstrategi for ØBR, lov og forskrift vedkomande brann – og redningsberedskap, brannførebyggjande arbeid, samt feiling og tilsyn. Sekundært kan ØBR yte desse og liknande tenester mot vederlag til andre kommunar og verksemdar.

ØBR sine plikter og arbeidsoppgåver:

- a) gjennomføre informasjons – og motivasjonstiltak i kommunane om brann og andre akutte ulukker
- b) gjennomføre brannførebyggjande tilsyn
- c) vere kommunane sin innsatsstyrke ved brann
- d) gjennomføre ulukkesførebyggjande oppgåver
- e) vere kommunane sin innsatsstyrke ved andre akutte ulukker t.d. trafikkulukker
- f) gjennomføre feiling og tilsyn med fyringsanlegg
- g) vere kommunane sin første innsatsstyrke ved akutt forureining og inngå i aksjonsleiinga
- h) gjennomføre nærare definerte oppgåver i krise – og krigssituasjonar
- i) ta del i utforminga av eigarkommunane sine planar og arbeid med krise og beredskap
- j) fastsette branndokumentasjon for eigarkommunane

Eigarkommunane kan også leggja andre arbeidsoppgåver til ØBR så langt dette ikkje svekkjer gjennomføringa av oppgåvene lista i § 5.

KAPITTEL 2. EIGARANSVAR

§ 6 Eigardel og ansvar

For ØBR sine samla skyldnader heftar kvar av eigarkommunane med heile sin formue i høve til sin eigardel. Kommune sin eigardel i ØBR er:

- Fjell kommune 64 %
- Sund kommune 18%
- Øygarden kommune 18 %

Investerings- og driftsutgifter i samsvar med selskapet sin vedtekne økonomiplan og årsbudsjett skal fordelast mellom eigarkommunane i samsvar med kommunane sine eigardelar. Dette skjer i årlege driftstilskot.

§ 7 Innskotsplikt

Kvar av eigarkommunane tek med inn i selskapet utstyr, inventar, dataprogram, materiell, kjøretøy og liknande som kvar kommune er eigar av /disponerer på tidspunktet denne avtalen trer i kraft (tingsinnskot).

Sund og Fjell kommune tek med seg inn i selskapet drifts- og investeringsfond i Sotra Brannvern IKS basert på rekneskapan for Sotra brannvern IKS for 2016 (kapitalinnskot). Øygarden kommune skyter inn midlar til drifts- og investeringsfondet i det nye selskapet. Øygarden kommune sitt innskot er 18 % av drifts- og investeringsfondet i Sotra Brannvern IKS, basert på rekneskapan for Sotra brannvern IKS for 2016.

Utover det som kjem fram av denne avtalen har ikkje eigarkommunane plikt til å gje andre ytingar enn det som går fram av budsjettet.

§ 8 Avvik frå vedteken branndokumentasjon

Kvar eigarkommune kan ha ein betre beredskap/standard enn normalløysing i medhald til dimensjoneringsforskrifta og risikovurderinga som er fastsett av representantskapet. Ein slik eventuell betre beredskap skal gå fram av branndokumentasjonen, og eventuelle ekstrakostnader skal dekkast av den aktuelle eigarkommunen åleine. Vedtak etter denne paragrafen må gjerast av kommunestyret sjølv.

§ 9 Eigarskap og drift av brannstasjonane

ØBR skal ha tenlege lokale for si verksemd med grunnlag i gjeldande branndokumentasjon for eigarkommunane. Kvar kommune har ansvar for å stille til disposisjon lokale, med mindre ØBR finn det tenleg å leige lokale privat. Skriftleg avtale mellom ØBR og utleigar klårgjer fordeling av ansvar og kostnader. Herunder m.a. årleg husleige, vedlikehald o.a.

§ 10 Kjøp av tenester frå eigarkommunar

ØBR kan etter avtale med ein eigarkommune kjøpe administrative tenester, som løn, rekneskap, IKT o.l. ØBR sine egne utgifter som følgje av kjøp av tenester er utgifter som ØBR budsjetterer sjølv og inkluderer i driftsbudsjettet og i selskapet sin økonomiplan.

KAPITTEL 3. ORGANISASJON

§ 11 Representantskap

ØBR sitt øvste organ er representantskapet. Her sit to representantar frå kvar eigarkommune med ei røystefordeling som avspeglar eigardelen til kommunen:

- Fjell kommune har 64 % av røystene, kvar representant har 32 % av røystene
- Sund kommune har 18 % av røystene, kvar representant har 9 % av røystene
- Øygarden kommune har 18 % av røystene, kvar representant har 9 % av røystene

Kommunestyra nemner opp sine representantar og minst like mange vararepresentantar som faste medlemmer til representantskapet. Representantane veljast for fire år. Representantskapet vel sjølv leiar og nestleiar. Leiaren skal ikkje representere same kommune i to samanhengande valperiodar.

Eigarkommunane delegerer si mynde etter Lov om vern mot brann, eksplosjon og ulykker med farlege stoff og om brannvesenets redningsoppgåver (brann- og eksplosjonsvernloven) av 14. juni 2002 nr. 20 med tilhøyrande forskrifter til representantskapet. Delegering av mynde famnar ikkje om viktige saker der lov eller forskrift krev vedtak i *kommunestyret*. Representantskapet delegerer nødvendig mynde til høvesvis brannstyret og brann- og redningssjefen i ØBR.

For avgjersler som er fatta av brann- og redningssjefen er brannstyret klageinstans. Klage på vedtak i personalsaker, skal handsamast (a) i representantskapet dersom vedtaket er gjort i brannstyret (b) i brannstyret dersom vedtaket er gjort av brann- og redningssjefen.

§ 12 Brannstyre

Representantskapet vel seks medlemmer med varamenn til brannstyret, og blant desse leiar og nestleiar:

- Fjell kommune sine representantar i representantskapet vel 2 av medlemmene
- Sund kommune sine representantar i representantskapet vel 2 av medlemmene
- Øygarden kommune sine representantar i representantskapet vel 2 av medlemmene

Alle styremedlemmer vert valt for ein periode på to år. Styreleiar skal ikkje representere same kommune i to samanhengande valperiodar. I val av medlemmer skal det leggjast vekt på interesse for fagfeltet og breidde i kompetanse i styret, samt at eigarkommunane sine interesser i ØBR skal takast i vare. Styremedlem kan vere folkevalde, men det er ikkje eit krav.

I tillegg til dei 6 styremedlemmene som vert valt etter første ledd har dei tilsette høve til å velje representant(ar) og eventuell observatør til styret i samsvar med reglane i lov om interkommunale selskap. Representant(ar) for dei tilsette er fullverdig medlem i styret med det unntaket som er nemnt i § 10, ellefte ledd i lov om interkommunale selskap.

§ 13 Tingingsutval

ØBR skal ha eit tingingsutval som vert leia av leiaren i brannstyret. Elles er brann- og redningssjefen medlem, og eitt medlem frå brannstyret som styret sjølv peikar ut. Tingingsutvalet sitt mandat er:

- a) å halda seg orientert om lønsutviklinga i kommunal og interkommunal sektor
- b) å gjennomføre lokale lønstingingar innanfor dei rammer brannstyret har gjeve, og leggje resultatet fram for styret til orientering.

Eit unntak gjeld. Lønsvilkåra til brann- og redningssjefen vert fastsett av leiaren i brannstyret samt det andre styremedlemmen i utvalet. Resultatet skal leggjast fram for brannstyret til orientering.

§ 14 Tilsetjingsutval

ØBR skal ha eit tilsetjingsutval som har mynde til å tilsetje og seie opp alt personell unnateke brann- og redningssjefen. Desse er med i utvalet: leiar for brannstyret, brann- og redningssjefen og ein tillitsvald for dei tilsette. Mindretalsanke i utvalet vert handsama i brannstyret som gjer endeleg vedtak.

KAPITTEL 4. REPRESENTANTSKAPET

§ 15 Representantskapet sine møter

Ordinær frist for innkalling til møte i representantskapet er fire veker. Innkallinga skal vere skriftleg med saksliste og saksdokument. Det kan kallast inn med kortare frist når det er påtrengjande nødvendig.

Leiaren har plikt til å kalla inn representantskapet til møte når brannstyret, revisor, ein av deltakarane eller ein av eigarkommunane krev det for handsaming av ei særskild sak.

Leiaren av brannstyret og brann- og redningssjefen har plikt til å vere til stades i representantskapsmøta med mindre det er openbart unødvendig eller det ligg føre gyldig forfall. Ved forfall møter nestleiaren i brannstyret og nestleiar i ØBR. Medlemmene i brannstyret har høve til å vere til stades og til å uttala seg i representantskapsmøta, men representantskapet kan gjera unntak frå denne hovudregelen i einskildsaker.

Representantskapet er vedtaksfør når minst halvparten av medlemmene er til stades og desse representerer minst 2/3 av stemmene. Vedtak krev 2/3 fleirtal. Kwart medlem har ei røyst i samsvar med reglane i §11 i denne avtalen.

Leiaren skal syta for at det vert ført protokoll frå møtet. Protokollen skal underskrivast av møteleiaren og to av medlemmene i representantskapet, som veljast ved møtestart. Medlem i brannstyret og brann- og redningssjefen har rett til å få protokollert sitt syn på ei sak. Utskrift av protokollen for representantskapsmøte vert å senda eigarkommunane og medlemmene i representantskapet og brannstyret. Brann- og redningssjefen er sekretær for representantskapet.

§ 16 Representantskapet sin mynde og oppgåver

Representantskapet skal gjere vedtak i dei saker som selskapsavtalen og lova fastset, samt i saker som brannstyret legg fram for det.

Representantskapet sine oppgåver:

- a) val av leiar og nestleiar i representantskapet
- b) val av brannstyret sine medlemmer og varamedlemmer, unnateke dei tilsette sine representantar
- c) val av leiar og nestleiar i brannstyret
- d) vedta budsjett og økonomiplan innan fastsett frist
- e) vedta avsetning av midlar til drifts- og investeringsfondet
- f) vedta årsmelding og rekneskap innan 01.05 etter rekneskapsåret
- g) val av revisor
- h) fastsetting av godtgjersle for leiar og medlem i brannstyret
- i) fastsetting av godtgjersle til representantskapet
- j) fastsetting av branndokumentasjon for eigarkommunane

KAPITTEL 5. STYRET

§ 17 Styret sine møter

Leiaren i brannstyret skal sørge for at brannstyret møter etter behov. Både medlem i brannstyret og brann- og redningssjefen kan krevje at styret vert innkalla. Ordinær frist for innkalling er ei veke. Innkallinga skal vere skriftleg med sakliste og saksdokument. Rådmennene i eigarkommunane har høve til å vere til stades på styremøta med talerett.

Brann- og redningssjefen er styret sin sekretær og førebur og innstiller i alle saker for styret si handsaming. Brann- og redningssjefen har møteplikt og talerett i styret sine møter, dersom ikkje styret i enkeltsaker vedtek at brann- og redningssjefen ikkje skal kunne møte.

Ved frávær av leiaren, vert møtet leia av nestleiar. Dersom ingen av desse er til stades, vert det vald møteleiar.

Brannstyret er vedtaksfør når minst halvparten av medlemmene er til stades og desse representerer minst 2/3 av stemmene. Vedtak krev 2/3 fleirtal. Kvar medlem har ei røyst kvar.

Leiaren skal syte for at det vert ført protokoll frå møtet. Protokollen skal skrivast under av dei i styret som var til stades i møtet. Ved usemje har eit medlem og brann- og redningssjefen høve til å få sitt syn protokollert.

§ 18 Styret sin mynde

Styret utøver all mynde som ikkje er lagt til representantskapet i medhald av selskapsavtalen eller lova. Styret skal sjå til at verksemda vert driven i samsvar med eigarkommunane sin eigarstrategi, mål og føremål fastsett i selskapsavtalen, selskapet sitt årsbudsjett og økonomiplan samt andre vedtak og retningslinjer fastsett av representantskapet. Det er styret sitt ansvar å sjå til og føre tilsyn med at selskapet si bokføring og formueforvaltning er gjenstand for tilstrekkeleg kontroll.

Leiaren for brannstyret er brannsjefen sin næraste overordna, og styreleiar har det daglege arbeidsgjevaransvaret overfor dagleg leiar.

Brannstyret sine oppgåver:

- å fremje forslag til budsjett innanfor fastsette fristar
- å utarbeide årsmelding og rekneskap som vert å leggja fram for representantskapet
- treffe vedtak om disponering av fondsmidlar
- å gje innstilling i saker der representantskapet er avgjerdsinstans
- å skjømte arbeidsgjevaransvaret ved å tilsetja gjennom eige tilsetjingsutval, seie opp og vedta instruksar
- å fastsette løns – og arbeidstilhøve for alt personell
- å etablere tingsutval
- å etablere tilsetjingsutval som får mynde til å tilsetje i alle stillingar unnateke brann- og redningssjefen der styret er tilsetjingsinstans
- å etablere arbeidsmiljøutval med lik representasjon frå arbeidsgjevar- og arbeidstakarsida
- å syte for at det vert utarbeida naudsynt personal- og arbeidsreglement på same nivå som eigarkommunane
- vere klageorgan for saker som avgjerast av brann- og redningssjefen i medhald av delegert mynde, unnateke i saker kor klagehandsaming ligg i eigarkommunane
- å føre tilsyn med brann- og redningssjefen i leing av ØBR
- sjå til at selskapet har naudsynte dokumenterte rutinar for formueforvaltning, risikovurderingar, HMS/internkontroll, økonomistyring mv.
- sørge for at representantskapet til ei kvar tid har nødvendig oversikt og i tide kan førebu nødvendige disposisjonar

KAPITTEL 6. DAGLEG LEIING OG REPRESENTASJON

§ 19 Brann - og redningssjef

ØBR skal ha ein dagleg leiar som har tittel og funksjon som brann- og redningssjef. Dagleg leiar vert tilsett av brannstyret i fast heiltidsstilling.

Brann- og redningssjef administrerer verksemda og skal stå for den daglege leiinga av selskapet.

Brann- og redningssjef er direkte underordna brannstyret og har ansvaret for at ei kvar arbeidsoppgåve vert utført i samsvar med gjeldande reglar og dei vedtak som er fatta av brannstyret og skal følgje dei retningslinjer og pålegg som styret gir.

Brann- og redningssjef skal sørgje for at selskapet si bokføring er i samsvar med lov og forskrift og at formueforvaltninga er ordna på ein tilstrekkeleg måte.

Brann- og redningssjef er vidaredelegert representantskapet si mynde etter brann- og eksplosjonsvernloven. Delegasjonen omfattar ikkje saker som etter selskapet sitt høve er av uvanleg art eller av stor betydning.

Brann- og redningssjef skal til ei kvar tid halde styret orientert om alle tilhøve av betydning for verksemda og om økonomi og personalforhold. Brann- og redningssjefen skal rapportere til brannstyret på ein slik måte og så ofte som situasjonen eller styret krev.

Brann- og redningssjefen har tilvisingsmynde innanfor ramma av det vedtekne budsjettet. Tilvising frå fond vert gjort av brannsjefen etter vedtak i brannstyret.

§ 20 Selskapet sin representasjon

Brannstyret representerer selskapet utad og teiknar selskapet sitt firma.

Brannstyret kan gi styremedlem eller brann- og redningssjefen rett til å teikne selskapet sitt firma og kan bestemme at dei som har slik rett, må utøve den i fellesskap.

Brann- og redningssjefen forpliktar åleine ØBR for daglege gjeremål som er omfatta av brann- og redningssjefen sin mynde etter § 19.

KAPITTEL 7. ØKONOMIFORVALTNING

§ 21 Årsbudsjett

ØBR sitt årsbudsjett vert finansiert av eigarkommunane ut ifrå kvar eigarkommune sin eigardel i selskapet, sjå § 6. Budsjettet skal gi eit realistisk bilete av drifta og dei sannsynlege inntektene og utgiftene for året.

Årleg driftstilskot frå eigarkommunane overførast i tre like overføringar følgjer: 1.1, 1.5 og 1.9. I tillegg kjem avsetnad til drifts- og investeringsfond.

ØBR nyttar same budsjett- og rekneskapsår som eigarkommunane. Styret i ØBR skal utarbeide eit forslag til standarisering av den årlige budsjettprosessen som fører fram til vedteke budsjett for ØBR i representantskapet. Budsjettprosessen skal involvere eigarkommunane og styrande organ i ØBR.

ØBR er ansvarleg for vedlikehald, forsikring og nykjøp av utstyr/materiell. Større innkjøpsbehov, t.d. brannbilar, som ikkje kan dekkast over den årlege drifta, vert å fremja for eigarkommunane i samband med budsjettprosessen. Innkjøp som kan finansierast fullt ut ved bruk av midlar frå investeringsfondet krev ikkje vedtak i eigarkommunane, men vert avgjort av styret, jf. § 24.

§ 22 Økonomiplan

Representantskapet skal ein gong i året vedta ØBR sin økonomiplan. Økonomiplanen skal leggast til grunn for både budsjettarbeidet og anna planleggingsarbeid. Planen skal famne om dei neste fire åra og gje eit realistisk oversyn over sannsynlege inntekter og utgifter, samt prioriterte oppgåver inkludert investeringar for perioden. Eigarkommunane må særleg samhandle om investeringar som dei skal finansiera utanom det årlege driftstilskotet.

§ 23 Over/underskot i rekneskapen

Ved eventuelt overskot i rekneskapen skal heile eller delar av summen overførast til driftsfondet jf. §24. Den del som eventuelt ikkje blir sett inn på driftsfondet skal overførast til investeringsfondet.

§ 24 Fond

Selskapet skal ha eit ubunde driftsfond. Fondet skal kunne nyttast til å dekkje mindre underskot i driftsrekneskapen, til større ad hoc-utgifter og til generell styrking av driftsbudsjettet. Bruk av driftsfondet krev godkjenning av styret.

Selskapet skal også ha eit ubunde investeringsfond. Fondet skal nyttast til mindre investeringar. Bruk av investeringsfondet krev godkjenning i styret. Ved overskot i drifta kan representantskapet velje å sette delar av overskotet inn på investeringsfondet til framtidige planlagde investeringar.

Kvart år skal det setjast av minst 2,5 % av driftsbudsjettet til fond. Avsetninga på 2,5 % til fond kjem i tillegg til vedtatt driftsbudsjett. Avsetninga til fond fordelast på eigarkommunane etter eigardel i selskapet. Fordelinga av fondsmidlane på 2,5 % til drifts- og investeringsfond vert vedtatt av representantskapet i budsjettmøte for det kommande budsjettåret.

§ 25 Låneopptak

ØBR kan ikkje ta opp lån utan godkjenning i eigarkommunane. Dette gjeld ikkje nødvendig kortsiktig likviditetslån på inntil kr 500 000 som er gjeve frå ein av eigarkommunane. Avgjerd om slikt likviditetslån kan takast av brannsjefen etter samråd med styreleiar. Styret skal haldast orientert.

§ 26 Rekneskap og revisjon

Kommunelova sine føringar vert lagt til grunn for rekneskapen. Representantskapet har mynde til å velje revisjon.

KAPITTEL 8. UTTREDEN, OPPLØYSING MM.

§ 27 Uttreden og utelukking

Kommunestyra i kvar eigarkommune kan med to års skriftleg varsel seie opp si deltaking i ØBR og krevje seg utløyst av selskapet.

Den delen av verdiar (heretter verdiandel) som kvar eigarkommune tek med inn i selskapet, jf. § 7, skal leggst til grunn for kvar kommune sin utløysingssum ved eventuell uttreden av selskapet.

Utløysingssummen skal fastsettast ved utløp av oppseiingstida og bereknast ut frå selskapet sin totale verdi. Utløysingssummen skal vere netto, og utbetalast straks.

Kvar av eigarkommunane kan med straksverknad melde seg ut av selskapet dersom kommunen sin rett er krenka gjennom vesentleg misleghald. I slike tilfelle skal utløysingssummen fastsettast til netto verdiandel rett før utløysingsgrunnen låg føre

Er eigarkommunen sin verdiandel negativ, er dette deltakaren sitt tap som skal innbetalast.

Ei avgjersle om å tre ut av selskapet, kan av representantskapet eller kvar av dei andre eigarkommunane bringast inn for departementet innan ein månad etter at ØBR har motteke melding om uttreding.

For uttreden for andre gjeld lov om interkommunale selskap § 30. Tilsvarende gjeld lova § 31 for utelukking.

§ 28 Oppløysing og avvikling

Selskapet kan oppløysast om eigarkommunane er samde om dette. Vilkåret er at det ligg føre vedtak om dette i alle kommunestyra.

For gjennomføring av oppløysing og avvikling gjeld lov om interkommunale selskap §§ 32-38, herunder reglar om avviklingsstyre, avviklingsregnskap og eigarkommunane sitt ansvar etter avvikling.

Oppløysing av ØBR må godkjennast av departementet, som kan gi nærare reglar om avviklinga. Dersom departementet samtykker i oppløysing, skal representantskapet oppnemne eit avviklingsstyre som skal gjennomføre avviklinga innan den fristen som representantskapet fastsett. Selskapet sitt styre trer ut av funksjon når avviklingsstyret er vald.

§ 29 Utviding

Nye kommunar kan takast opp som medlem av ØBR. Kommunestyra i eigarkommunane må gjera vedtak om utviding. Det må liggja føre full semje mellom eigarane om slik utviding.

Ved opptak av ny eigarkommune gjeld reglane om innskotsplikt i § 7 (tingsinnskot) og eigardel og ansvar skal bereknast på ny i samsvar med § 6.

KAPITTEL 9. TVISTAR

§ 30 Tvist

Usemjje om tolking av denne selskapsavtalen vert avgjort ved voldgift med bindande verknad for eigarkommunane. Reglane i tvistemålslova vert lagt til grunn.

24.10.2017

KAPITTEL 10. ØVRIGE REGLAR

§ 31 Inhabilitet

Vanlege reglar for inhabilitet gjeld i dei styrande organa – sjå § 40 i kommunelova, nr. 3.

§ 32 Arbeidsgjevarorganisasjon

ØBR vert tilslutta KS Bedrift (Kommunenes Sentralforbund sin bedriftsseksjon).

§ 33 Endring av selskapsavtalen

Det er berre kommunestyra som kan endra selskapsavtalen på følgjande punkt og det må liggje føre semje mellom kommunane:

- a) § 1 Firma
- b) § 2 Eigarkommunar
- c) § 4 Hovudkontor
- d) § 5 Føremål og ansvarsområde
- e) § 6 Eigardel og ansvar
- f) § 7 Innskotsplikt
- g) § 8 Avvik frå vedteken branndokumentasjon
- h) § 11 Representantskap
- i) § 12 Brannstyret
- j) § 15 Representantskapet sine møter
- k) § 16 Representantskapet sin mynde og oppgåver
- l) § 24 Fond
- m) § 25 Låneopptak
- n) Anna som etter lov eller denne avtalen skal avgjerast av kommunestyra eller eigarkommunane.

Andre endringar i selskapsavtalen kan representantskapet avgjere med eit fleirtal på minst 2/3 av røystene.

§ 34 Tilhøvet til lov om interkommunale selskaper

Der ikkje anna går fram av selskapsavtalen, gjeld lov om interkommunale selskap.

§ 35 Meiroffentligheit og openheit

Offentleglova (Lov om rett til innsyn i dokument i offentleg verksemd) gjeld for ØBR si verksemd og dei styrande organa. Dette medfører at møteplan og saksdokument til selskapet sine styrande organ skal gjerast offentleg tilgjengeleg, t.d. via selskapet si elektroniske nettside. Det følgjer av unntaksreglar i offentleglova kva saker som skal unnatakas offentleg innsyn.


§ 36 Vedtak og ikrafttreden

Denne selskapsavtalen er vedteke av kommunestyra i eigarkommunane. Etablering av selskapet skal førebuast i 2016 og 2017 selskapet skal starte opp drifta 1.1.2018.

Stad /dato
Agdenes 14/11-2017


Marianne Sandahl Bjørøy
ordfører i Fjell kommune

Stad/dato
Agdenes, 14/11-17


Kari-Anne Landro
ordfører i Sund kommune

Stad/dato


Børge Haugetun
ordfører i Øygarden kommune